



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitlvvm XXIX. Cùm expedit.

[urn:nbn:de:hbz:466:1-62559](#)

scuti Ordinis Prælatus cogere non potest Religiosum ad acceptandā dignitatem extra ordinem, vti dixi Th. mor. lib. 4. tr. 2. c. 15. q. 3. dicto 2. ita nec cogere potest ad retinendum, seu non renuntiandum; consequenter sine licentia eius renuntiare potest. Ratio est, per quam etiam satisfit argumento sententiae contrariae: Quia Religiosus velle & nolle non habet, seu ex voluntate Prælati pendet in iis tantum, quæ ad Ordinis regulam & institutum spectant: Prælatura autem extra Ordinem magis subducit Religiosum à regula & instituto, &c.

CAPITVLVM XXVIII.

Nullus.

SUMMARIUM.

Religiosus in Abbatem, seu Ordinis sui Prælatum eligi non potest, nisi sit expressè animè professus; potest tamen tacite professus, vti & Ordinis nouitius eligi ad Episcopalem dignitatem, seu in regulari, seu seculari ecclesia.

R Eligiosus in Abbatem, seu Ordinis sui Prælatum eligi non potest, nisi professionem expressam antè ediderit: alioquin electio irrita est. Verum ad dignitatem Episcopalem, seu in regulari seu in seculari ecclesia, qui tacite p rofessi sunt, sicuti & Ordinis Nouitij, eligi non prohibentur.

NOTANDVM Vn. Qui tacite, siue ipso facto in Religione professus est, tamē cum alijs eligere possit, c. ex eo, 32. §. In ecclesijs, hoc lib. & tit. tamen eligi non potest in Prælatum Ordinis: sed requiritur, vt expressè professus fit. Vide, quæ de modis expressè, & tacite professionis dixi lib. 4. Th. mor. tr. 5. c. 5. Porro, cur ad episcopalē dignitatem euchi possit Religiosus, qui nō expressam professionem edidit, ratio indicatur in texto: Quia ad eam etiam Ordinis Nouitij atque Clerici seculares admittun-

tur, si ecclesiæ regendæ idonei sint. Vide Gl. hīc, & c. 1. ne sede vacante.

CAPITVLVM XXIX.

Cùm expeditat.

SUMMARIUM.

Forma electionis tradita suprà in c. cùm dilectus 32. non est sublatam in can. Quia propter.

Innoc. III. in c. cùm dilectus, 32. approbavit hanc eligendi formam: Si Capitulares compromittant in aliquos, vt eum, in quem maior & senior pars, secretò inquisitis singulorum suffragijs, consenserint, elegere debeant. Hanc formam suspicabantur sublatam esse in can. Quia propter, quandoquidem in eo triplex tantum electionis forma approbat: videl. per scrutinium, per compromissum, per inspirationem. Dictus autem eligendi modus ad nullam harum electionum spectare potest. Hanc dubitationem soluens Bonifac. VIII. respondet, formam illam compromissi traditam ab Innoc. III. sublatam non esse in Concilio Lateranensi per can. Quia propter. Nam magis expedit, vt si fieri possit, iura iuribus concordent, quam vt eorum correctio inuehatur. In casu autem proposito iura conciliari possunt, si videl. dicamus, formam traditam in c. cùm dilectus, esse veluti mixtam ex scrutinio, & compromisso; seu ex utraque participantem.

Sed quæritur: Virum sit potius, forma scrutinij an compromissi? Respondeo: speccata principali intentione, est potius compromissum, vti notauit Ioann. Monachus, n. 9. & colligitur ex textu huius c. Potest autem compromissum fieri vel absolutè, vel limitatè, siue cum certa conditione, quæ obseruari debeat; videl. in proposito, vt inquisitis secretò singulorum voluntatibus. &c.

C API-